

68434

Reykjavík 17. janúar 1990

## UPPHAF\_KOSNINGABARATTUNNAR\_I REYKJAVÍK

Félagsfundur miðvikudaginn 24. janúar kl.20:30  
að Laugarvegi 17.

Kæru kvennalistakonur.

Það hefur væntanlega ekki farið fram hjá neinni ykkar að Kvennalistinn í Reykjavík hefur ákveðið að bjóða fram til borgarstjórnar í vor.

Fyrsti félagsfundur Reykjavíkuranga á árinu verður miðvikudaginn 24. janúar. Æ fundinum verður fyrst og fremst fjallað um kosningabaráttuna skipulag hennar og helstu áherslumál.

Dagskrá fundarins:

1. Uppstillingarnefnd kynnir sín störf.
2. Kosningabaráttan (helstu áherslumál, kosninganefnd kosningastýra, kosningaskrifstofa, fjármögnun, útgáfumál, málefnahópar, stefnuskrá, fundir o.fl.).
3. Stuttar fréttir úr borgarstjórn.
4. Stuttar fréttir frá Alþingi.
5. Önnur mál.

Uppstillingarnefnd starfar af fullum krafti eins og þið hafið auðvitað orðið varar við. Ákveðið hefur verið að láta fara fram skoðanakönnun meðal kvennalistakvenna um val á listann og hugmyndir þeirra um hverjar eiga að vera í efstu sætum. Konur hafa tekið mjög vel í að vera með í skoðanakönnuninni og á listanum þótt þær hafi að vísu ekki allar viljað vera í fyrstu sætunum frekar en venjulega.

Skoðanakönnunin er á engan hátt bindandi hvorki fyrir þær konur sem tilnefndar eru né heldur fyrir uppstillingarnefnd, en tvímælalaust til viðmiðunar. Niðurstaða uppstillingarnefndar verður svo lögð fyrir félagsfund til endanlegrar samþykktar.

Hægt er að setja könnunina í póst merkt "Uppstillingarnefnd" Laugarvegi 17, 101 Reykjavík eða setja hana í kassa merktan "Uppstillingarnefnd" sem er að Laugarvegi 17.

Komið allar á fundinn og takið með ykkur vinkonurnar og dæturnar sem alltaf eru á leiðinni á Kvennalistafund.

Framkvæmdanefnd Reykjavíkuranga.  
Uppstillingarnefnd.

- MÆTUM ALLAR - TÖKUM DÆTUR OG VINKONUR MED -

- MUNID SKOÐANAKÖNNUNINA -